



UNIVERSITÄTS-  
BIBLIOTHEK  
PADERBORN

## **Variorum In Europa Itinerum Deliciae**

**Chyträus, Nathan**

**[Herborn], 1599**

**VD16 C 2803**

Lucensia. In Lucam Jul. Cæs. Scaliger.

---

[urn:nbn:de:hbz:466:1-70708](https://nbn-resolving.org/urn:nbn:de:hbz:466:1-70708)

xit annos 76. menses 10. dies VI. Obiit M. CCCC. XC.  
XXII. Septemb.

*Interpres utriusq; Juris ingens,  
Orbis gloria, patria decusq;  
Hic Baldus jacet ille Bartholinus.  
Hui Baldum haud tegit hoc, sed ossa Baldi  
Marmor, fama nitens volat superstes.  
Calum spiritus innocens recurrit.  
Dic lector vale, & hinc recede felix.*



## VOLATERRÆ.

IN S. LINO.

ΑΠΝΟΟΣ ΧΡΙΣΤΟ ΣΕΡ- ΠΙΝΟΩ.  
VATORI.

Raphaëli Maffæo Gerardi Maffæi F. doctrina, pietate,  
ac sanctitate cum quovis antiquo comparando, ut ejus in-  
dicant opera egregia, testantur miracula. Vix. ann. LXX.  
mens. XI. d. VIII. Obiit anno salutis M. D. XXI. VIII. Ca-  
lend. Febr. Marius Maffæus Episcopus Cavalirensis, fra-  
tri Smo pos. Sic itur ad astra.

IN CATHEDRALI.

Monumentum est Marii Maphæi, Episcopi Calcinensis,  
in quo legitur: ζῶν μὲν ἐπαύρις: θανὼν δὲ μακαρίζε.

*Ibidem.*

En quó tandem.



## LUCENSIA.

IN LUCAM JUL. CÆS.  
SCALIGER.

**T**usci delictum, Tusci laus incluta cali,  
Justitia illa fo robore Luca potens,

R ij

*Luca potens opibus, felix concordibus armis,  
Cui veneranda fides, mens pia, pura manus.  
Calescis vegetum comitatur candor acumen,  
Ad veteres referens candor acumen avos.  
Iratis igitur dum servit Hetruria fatis,  
Virtutis merito libera sola fuit.*

---

 IN S. SALVATORE.

FILIUS PATRI.

*Accipe care pater, qua natus munera tradit,  
Munera, si cineri sunt bene grata tuo.  
Tu mihi das lucem vita, do mortis honores.  
Heu, heu, quam dispar gratia nostra tua est!*

HIERONYMI VELLUTELLI.

*Hic dum vexillum gerit, & te Luca gubernat,  
A conjuratis vulnere se va tulit.  
Felix ille nimis, qui dum cadit ense peritq,  
Et servat patriam, de nece victor orat!*

AUGUSTINI CHIVIZANI.

*Augustinus ego Chivizaneus hic requiesco.  
Nemo mori nescit, vivere disce. Vale.*

STEPHANI SPADÆ.

Vivens & moriturus, Stephanus Spada quondam Gerard. civis Lucens. filius, hunc tumulum sibi hæredibusque condidit. M. D. XI.

---

 JANO GRILLO

Patricio Genuensi patri opt. ac B. M. Lucas filius pos.  
*Qui legis, an censes Janum periisse bifrontem?  
Qui ventura videt, lapsaq, non moritur.*

---

 IN TEMPLO S. FRIDIANI.

Lazarus de Turri Genuensis, rarissimæ gloriæ milit. exemplum, ob egregia facinora cunctis carissimus, in flore juventutis é magna rerum expectatione præreptus, invictissimè illius Domini Andreae Aurie, avunculi mæstissimi

fimi, mandato hinc tegitur depositus, Anno Domini M. D.  
xxv. mense Junio. Vixit annos xxxiv.

*En medio vitæ cursu tibi lampada trado,  
Ignifera subæo dona superna facis.*

## SUB STATUA EQUESTRI.

Nicolao Piccinino ductori clarissimo: Luc. Senatus ob  
patriam hanc jussu invictissimi Mediolanensis ducis, lon-  
ga obsidione liberatam, picturam hanc vetustate consum-  
tam renovari curavit.

## IN PALATIO.

Perlege, quisquis ades, libertatis fautor, & scias, qualis  
fuerit in rep. nostra Podiorum familia. Horum operâ Pe-  
trus Cenarius, unus ex Antianis, anno 1436. interem-  
ptus est. Ejus socii deinde ann. 1522. libertatis opprimen-  
dæ animo Hieronymum Vellutellum vexilliferum Ju-  
stitiæ scdissimè trucidarunt. Tota verò civitate arma cõ-  
tra eos capiente, parricidæ aufugerunt. Rebelles facti con-  
fessi, capite sunt mulctati. In alios ejusdem domus multa  
extant decreta. Deo agantur gratiæ, & hæc oblivioni non  
tradantur.

## IN MARTINI.

Bertæ Comitissæ, filiæ Lotharii regis  
Francorum.

*Hoc tegitur tumulo Comitissæ corpus humatum,  
Inclytæ progenies Berta benigna pia.  
Uxor Adelberti Ducis Italia fuit ipsa,  
Regalis generis quæ fuit omne decus.  
Nobilis ex alto Francorum germine Regum,  
Carolus ipse pius Rex fuit ejus avus.  
Quæ specie speciosa, bono speciosior actu,  
Filia Lotharii pulchrior at meritis  
Permansit felix, seculo dum vixit in isto,  
Non inimicus eam vincere prævaluit.  
Consilio docto moderabat regmina multa,  
Semper erat secum gratia magna Dei.*

R. iij

*Partibus ex multis veniebant undiqꝫ, cujus  
 Mellifluum comites querere colloquium:  
 Exulibus miseris mater carissima mansit,  
 Atqꝫ peregrinis semper opem tribuit.  
 Claruit hac mulier, sapiens, fortisqꝫ, columna,  
 Totius virtus, gloria, lux patrie.  
 Idibus Octavis Martis migravit ab ista  
 Vita, cum Domino vivat ut in requie.  
 Mors ejus multos contristat, proh dolor, eheu!  
 Eous populus plangit & occiduus.  
 Nunc Europa gemit, nunc luget Francia tota,  
 Corsica, Sardinia, Gracia & Italia.  
 Qui legitis versus istos vos dicite cuncti,  
 Perpetuam lucem donet ei Dominus.*

Anno Dominicæ incarnationis 1425.  
 Indict. 13. obiit de mundo.

*Ibidem.*

MONUMENTUM DUCIS ADEL-  
 berti. Anno 1006.

*Hic populi leges saxi sub mole sepulta,  
 Hic jus paxqꝫ, jacent, hic patria auxilium.  
 Hic cubat ala, scutum, clypeus, lacrymaqꝫ, reposta.  
 Hic oculus caci ac hic pietas vidua,  
 Pes claudi, vestis nudi, solamen egeni,  
 Noster Adelbertus Dux bonus atqꝫ pius.  
 Gentib. externis timor & pavor, unica tandem  
 Militibus propriis gloria summa suis.  
 Quàm fortis fuerit, noverunt ultima terra,  
 Qua bonitate fuit, dicere lingua nequit.  
 In sexto decimo Septembre notante Kalendas  
 Membra sua hic posuit funereo gemitu.  
 Quisquis adis tumultum, culparum facta tuarum,  
 Ante Deum recita, cum precibusqꝫ, juva.*

SPO.

## SPOLETI IN UMBRIA.

THEONORÆ BURSINÆ CON-  
jugi clariss. Severus Minervius B.M.P.

*Vitam ego te geminam vixi vivente, fuisti  
Supra hanc qua vivo tu quoq; vita mihi.  
Morte tua exanimis vivam, nam conditur una.  
Maxima tecum anima pars Theonora mea.*

## IN CURIA.

Anno M. D. XXXVIII. carmina reperta sunt sub vetu-  
stissimis Spoletanæ urbis mœnibus.

Jano, Portuno atq; Marti E. S. C. Vibonius  
A. Apesemus, L. Aurelius faciendum dederunt.

## ITEM.

*Urbem hanc Portunus, Janus, Mars ordine servant.  
Quàm bene sub trino numine tuta manet!*

O CRICULUM.  
AD FONTEM OPPIDO  
vicinum.

*Monte sub hoc triplici cunctis fluit unda salubris,  
Qua levet arentem, si cupis, apta sitim.  
Siste gradum, repara vires hoc fonte viator.  
Dic precor ut vireat mons simul iste diu.*

TOLLENTINI IN FO-  
RO SUB INSIGNIB. PONTI-  
ficis, & Symbolo; Moderata durant.

PAULO III. PON. MAX. terrestri Deo, Reip. Christianæ  
conservatori.

R v

## RECANATI.

Serenissimus Cæsar Fridericus, Rom. Imp. semper Augustus, ab Rep. Recanatenſi honorificentissimè susceptus, magistratum ejusdem, de sua majestate bene meritum, auro insignivit, procreatos ex damnato coitu legitimi mandî, notariosq; creandi auctoritatē concessit. M. cccc. lxxviii. die xx. Septemb.

## IN S. DOMINICI.

*Quòd prope Loretum morior florentibus annis,  
Gratia calitibus mortis habenda mea.  
Immatura jurvat me mors; nam mortis acerba  
Munere peccandi copia facta minor.  
Nec minor est nostra fiducia certa salutis,  
Loreto morior quòd propiore, fuit.  
Nec refert peregrè an patria tumuleris in urna,  
Terra locus tumulo mortis est una via est.  
Ergo Nicolao gratanda hæc funera, quorum  
Est opera pretium conditione mori.*



## VERULI.

TALE QUID AONIUS PALEARIUS  
PARENTIB. ET SORORIBUS SUIB.  
cogitabat.

Matthæo Paleario, & Claræ Janarillæ optimis parentibus: & Elisæ, Franciscæ, Janillæ, Paleariis, sororibus honestissimis, Aonius Palearius posuit mutato solo.

## NEC NON UXORI.

*Ni mihi spem Christus faceret, quem vita secuta est  
Non possem abrupto vivere conjugio.  
Ille mihi te olim redituram in luminis oras  
Pollicitus, dulci pascit amore animam.*

*Interim*